



Broj: 16-12-16-1923-*11*/17  
I. Sarajevo, *19.04* 2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 64. stav 1. tačka b), i člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14), i odredbi Pravilnika o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“, broj 104/14), a na preporuku Komisije I za nabavke za potrebe Državne agencije za istrage i zaštitu broj 16-12-16-1923/17 od 14.04.2017. godine, u postupku javne nabavke usluga angažovanja medicinskog osoblja za sanitetsko obezbjeđenje bojevog gađanja policijskih službenika Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača za javnu nabavku usluga angažovanja medicinskog osoblja za sanitetsko obezbjeđenje bojevog gađanja policijskih službenika Državne agencije za istrage i zaštitu

#### **Član 1.**

Prihvata se preporuka Komisije I za nabavke za potrebe Državne agencije za istrage i zaštitu broj 16-12-16-1923/17 od 14.04.2017. godine i ugovor za javnu nabavku usluga angažovanja medicinskog osoblja za sanitetsko obezbjeđenje bojevog gađanja policijskih službenika Državne agencije za istrage i zaštitu dodjeljuje se:

- za pružanje usluga na strelištu Miralem Jugo - Mostar, ponuđaču Javna ustanova Dom zdravlja Stari Grad Mostar, ponuda broj 16-12-15-1923-8/17 od 21.03.2017, za ponudenu cijenu od 100,00 KM za jedan sat angažovanja medicinskog osoblja bez uračunatog PDV-a;
- za pružanje usluga na strelištu Paša Bunar – Tuzla, ponuđaču Javna zdravstveno - nastavna ustanova Dom zdravlja „Dr Mustafa Šehović“ Tuzla, ponuda broj 16-12-16-1923-7/17 od 21.03.2017. godine za ponudenu cijenu od 60,00 KM, za jedan sat angažovanja medicinskog osoblja bez uračunatog PDV-a.

#### **Član 2.**

Prijedlog ugovora o uslugama dostavit će se na potpis izabranim ponuđačima, po proteku roka od 10 dana, računajući od dana kada su svi ponuđači obaviješteni o izboru napovoljnije ponude.

#### **Član 3.**

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

#### Član 4.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestovali u postupku nabavke.

#### Član 5.

Ova odluka stupa na snagu danom donošenja.

#### O b r a z l o ž e n j e

Odlukom direktora Državne agencije za istrage i zaštitu broj 16-12-16-1923-1/17 od 10.03.2017. godine, pokrenut je postupak javne nabavke usluga angažovanja medicinskog osoblja za sanitetsko obezbjeđenje bojevog gađanja policijskih službenika Državne agencije za istrage (u daljem tekstu: Agencija). Poziv za dostavljanje ponuda je objavljen na web stranici Agencije dana 15.03.2017. godine. Procjenjena vrijednost predmetne nabavke je 7.530,00 KM bez uračunatog PDV-a, za što su novčana sredstva obezbjeđena u okviru budžetskih sredstava Agencije za 2017. godinu.

Komisija I za nabavke za potrebe Državne agencije za istrage i zaštitu (u daljem tekstu: Komisija) dostavila je Izvještaj o radu broj 16-12-16-1923/17 od 14.04.2017. godine sa preporukom o izboru najpovoljnijeg ponuđača za javnu nabavku usluga angažovanja medicinskog osoblja za sanitetsko obezbjeđenje bojevog gađanja policijskih službenika Agencije.

Na osnovu dostavljenog Izvještaja o radu Komisije utvrđeno je da su dostavljene tri ponude kako slijedi:

Redni broj	Naziv ponuđača	Ukupna cijena za jedan sat angažovanja medicinskog osoblja bez PDV-a
1.	Javna zdravstveno - nastavna ustanova Dom zdravlja "Dr Mustafa Šehović" Tuzla	60,00 KM
2.	Javna ustanova Dom zdravlja Stari Grad Mostar	100,00 KM
3.	Javna zdravstvena ustanova „Dom zdravlja“ u Banjoj Luci	Do četiri sata 170,94 KM + svaki naredni sat 42,74 KM

Uvidom u sadržaj dostavljenih ponuda Komisija je utvrdila da ponuđači Javna zdravstveno - nastavna ustanova Dom zdravlja „Dr Mustafa Šehović“ Tuzla i Javna ustanova Dom zdravlja Stari Grad Mostar ispunjavaju kvalifikacione i formalno-pravne uslove iz Poziva za dostavljanje ponuda, u pogledu njihove lične sposobnosti, sposobnosti obavljanja profesionalne djelatnosti, tehničke i profesionalne sposobnosti i podliježu primjeni preferencijalnog tretmana domaćeg.

Takođe, Komisija je utvrdila da ponuđač Javna zdravstvena ustanova „Dom zdravlja“ u Banjoj Luci ne ispunjava kvalifikacione uslove u pogledu njegove lične sposobnosti, sposobnosti obavljanja profesionalne djelatnosti, tehničke i profesionalne sposobnosti. Naime, navedeni ponuđač nije uz ponudu dostavio dokaze iz tačke 7.1., 7.2. i 7.3. Poziva za dostavljanje ponuda. Zbog navedenog ponuda ponuđača Javna zdravstvena ustanova „Dom zdravlja“ u Banjoj Luci nije dalje razmatrana. Komisija je konstatovala da za javnu nabavku pružanje usluga angažovanja medicinskog osoblja za sanitetsko obezbjeđenje bojevog gađanja policijskih službenika sa mjestom pružanja usluga na strelištu Pazarić - Sarajevo, nije dostavljena niti jedna ponuda u ostavljenom roku.

Cijeneći navedeno, Komisija je dala preporuku da se u skladu sa članom 64. stav (1) Zakona o javnim nabavkama („Službeni glasnik BiH”, broj 39/14), a u postupku javne nabavke usluga angažovanja medicinskog osoblja za sanitetsko obezbjeđenje bojevog gađanja policijskih službenika Agencije, ugovor za pružanje usluga na strelištu Miralem Jugo - Mostar dodijeli ponuđaču Javna ustanova Dom zdravlja Stari Grad Mostar, te da se za pružanje usluga na strelištu Paša Bunar - Tuzla ugovor dodijeli ponuđaču Javna zdravstveno - nastavna ustanova Dom zdravlja “Dr Mustafa Šehović” Tuzla.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana objavljivanja dobrovoljnog ex ante obavještenja o transparentnosti. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđaču 3x,
- Sektoru za mat.-fin. poslove,
- a/a.

